

皇

明

詔

令

皇明詔令卷之八

宣宗宣皇帝注

辭請即位令

洪熙元年六月初七日

皇太子諭文武群臣軍民耆老人等覽卿等所請謂  
子宜欽遵

去行皇帝遺詔早正大位乃心國家具悉誠懇顧方  
抱痛終天哀榮在疚繼統之事豈忍遽聞所  
請不允

諭禮部擇日具即位儀令

洪熙元年六

月初八日

洪惟我國家自

太祖皇帝

太宗皇帝統一華夏奠安

宗社逮我

皇考大行皇帝克崇孝理啣哀聽政曾不踰年遺大

授艱於予小子榮榮在疚而親王文武群臣

皇考子軍民耆老及四夷之使累箋勸進拒之不獲

誠念

祖宗劬業之艱

皇考遺命之重予其勉循典情即皇帝位肅禮部擇

日具儀以闡如令奉行

即位詔

洪熙元年六月十二日

奉

天承運

皇帝詔曰洪惟

天眷國家茂隆景運肇自

太祖高皇帝聖神文武提一旅之衆建萬世之基

太宗文皇帝神功懿德再安

宗社弘靖萬邦

皇考大行皇帝紹承大統奉

天子民體

祖宗之至仁用輯寧於庶類自臨寶位夙夜勞動甫  
及逾年德澤覃霈不幸逸豫奄臻大漸

顧命神器付于眇躬哀慟方殷罔知攸措親王  
文武群臣以至耆老軍民蕃夷朝使萬衆一  
誠環表勸進辭拒不獲仰惟

列聖劄守之難俯徇輿情已於六月十二日祇告

天地

宗廟

社稷即皇帝位為該所重以德及人其改明年為宣

德元年大赦天下咸與惟新所有合行事宜  
條示于後

一自洪熙元年六月十二日昧爽以前至去年  
八月十五日以後官吏軍民人等有犯除謀  
反大逆謀叛子孫謀殺及毆罵祖父母父母  
妻妾殺夫奴婢殺主謀故殺人盡毒斃魅毒  
藥殺人強盜不赦外其餘已發覺未發覺已  
結正未結正罪無大小咸赦除之敢有以赦  
前事相告言者以其罪罪之

一自去年八月十五日以後軍官及旗軍將軍

力士校尉舍人餘丁除犯謀叛黨惡不赦外其餘有犯發各處立功贖罪及降黜充軍等項者送兵部查理復其職役

一自去年八月十五日以後文官除犯貪贓及枉法害人命已發落者不宥外其餘有犯充軍吏役承差者悉還吏部量能授官

一自去年八月十五日以後見任文武官員有停罷俸祿者詔書到日仍舊關支

一言路所以廣視聽達民隱自今朝廷政務或有不便及軍民利病或當興革者許人陳言

勿有所諱

一農桑王政之本衣食之原有司宜身爲之勸  
務求實効勿事虛文

一安民之道必在守令得人今軍民中有行已  
廉正才堪撫字者許見任官具實薦舉朕將  
親擇而用之不許徇私濫舉

一學校賢才之所自出必在師範得人今軍民  
中有經明行修可充教職者許見任官保舉  
而試用之有司常宜加勸勉其生員之家遵  
依洪武年間恩例仍優免兩丁差徭俾得盡



心務學以臻成效

一各衛所守邊去處務要城堡堅固兵備嚴整如法操練

一天下軍士頻年勞役衣食不足艱難可矜即今一切不急之務悉皆停罷其管軍官員宜加意撫恤毋令失所並不許假公營私妄有科歛及私役其力違者罪之

一被水旱災傷去處缺食貧民有司即便取勘賑濟毋得坐視民患

一官民田地舊佃種人戶或全家死亡或丁力

消耗以致拋荒有司即與召人耕種官田准  
民田例起科如果無人耕種該納稅糧從實  
取勘開除毋得灑派包荒重爲民患

一各處開辦金銀抄造紙劄坐買青靛除已開  
辦造完見收在官者差人送部外其餘悉皆  
停罷以蘇民力原差去人員等速即回還如  
有托故稽延者以濫制論

一迺年海運漂失及征進拋棄軍器等件并永  
樂二十一年以前拖欠歲辦皮翎歲進野味  
追補胖襖等項皆免其追賠修理永樂二十

一年以前試驗不堪弓箭弦條如已完者就於所在官司入庫如未完者悉皆停罷

一各處孳牧馬驢牛羊等畜及北京所屬衛所見養未樂二十年征進所獲牛羊自洪熙元年六月十二日以前倒死者悉免追賠其征進所獲牛羊今後只令軍衛有司自行提督牧養原差去管養官員人等即便回京毋致

重擾軍民

一忠臣烈士義夫節婦孝子順孫事蹟顯著者有司具實來聞以憑旌表

一 鰥寡孤獨及篤癈殘疾有司依律存恤母令失所有爲事編發爲民種田年七十之上孤獨無人養贍者放回原籍依親

一 軍戶有重役者不問三處五處遇有事故如果戶內人丁消耗只併一處勾丁補役其餘悉行開豁及有丁倒戶絕并同名同姓被人妄報連年勾擾者有司從實體勘分理不許狗私作弊害及無辜

一 見起在京做工匠有二丁三丁者放回一丁四丁五丁者放回二丁六丁以上者放回

三丁其卑丁應役二年以上者放回休息內  
有犯罪被刑剗刺已成殘疾者即與開豁除  
本身差徭其餘無知小人挾讐妄指平民爲  
匠者今後有司嚴加禁止違者罪之

一 邇年失班及在逃人匠與免本罪即來赴工  
依舊輪班如有仍前恃頑不即赴工者所在  
官司拿解前來治之以罪

一 永樂年間爲事發各處擺站及充邇運水夫  
有年限已滿未及三年者應替當過三年以  
上無替者即便放免其餘役滿未及三年者

法司即與囚人內撥替若逾年在逃及未赴役者俱免本罪即赴原發處所應役照限撥替如有仍前恃頑不即赴役者許所在官司拿解治之以罪

一逃軍逃囚逃匠等項以詔書到日爲始許於一月內赴官自首與免本罪軍還原伍民還原籍匠作人等復還本役

一軍民官有貪虐害民者許被害之人赴合干上司及按察司巡按御史處陳告不許軍民人等擅自綁縛違者罪之

一今後一應罪犯悉依大明律科斷法司不許深刻妄引榜文及請條例比擬

一凡寬恤恩典及合行政務其有開列未盡者悉遵去年八月十五日以後詔旨施行務使明信祇守不渝

嗚呼

三聖在

天制治保邦大經大法明昭日月垂憲萬年惟篤欽承必誠必信尚賴

宗室親王叔祖叔父協心藩屏鞏固國家暨

內外文武賢臣同德匡輔用臻至治弘建  
宗注生民悠久之福詔告天下咸使聞知

上

大行皇帝尊謚詔 洪熙元年七月初三日

皇帝詔曰朕忝聖神之道不可以名言功德之隆必  
形諸讚述是以皇有義農之號帝有堯舜之  
稱國之典章古今一揆恭惟

皇考大行皇帝稟睿聖之資備明誠之德正位

儲宮二十餘年至孝通於神明令聞孚於遠邇嗣  
登大寶寅奉鳴圖體

天之心弘敷惠澤溥昭赫於萬彙煥寰宇之一新致



理興化博尚文雅慎脩武事四境無虞天下  
歸仁安于熙皞不幸踰歲奄忽

賓天四海兆民如喪厥考嗟予罔極之慟屬茲繼統  
之初諒爲敬誠之心敢忘追崇之典謹命在  
廷文武群臣稽古禮文議薦

謚號至公之道衆論攸同乃於七月初三日祇告

天地

宗廟

社稷奉

冊寶恭上

皇考大行皇帝尊謚

敬天體道純誠至德弘文欽武章聖達孝昭皇帝

廟號

仁宗 嗚呼配

天惟德尊

親惟孝光華宣著於萬年繼述尚存於永世布告中

外咸使聞知

上 聖母尊號并冊立

中宮詔

洪熙元年七月十五日

奉

天承運

皇帝詔曰仁政之務親

親為先禮典所崇尊

尊為大朕續承鴻業君臨兆庶肆用博於孝理爰表  
正於化原恭惟

聖母輔翼

先朝昭明內政弘六宮之壺範表四海之  
母儀

深仁厚德施及眇躬隆鞠育之恩廣訓迪之道劬  
勞備至以底成立茲方奉天下之至孝則必  
極厥下之

尊稱謹上

尊號曰

皇太后乃若

宗廟之祀禮重相成德化之行始於夫婦用稽國典冊封

胡氏為皇后夫國之本在■元屬英倫之重上以

厚率下庶臻至理之隆布告中外咸使聞知

纂脩獻陵實錄初 洪熙元年八月

勅諭禮部朕惟

皇考仁宗昭皇帝聰明睿聖剛健中正之德廣大配

天地誠孝通神明及自正儲以至監國同周文之

翼翼夏禹之克勤仁心仁聞天下忻戴暨登大寶  
君主萬邦章帝恩澤淪浹遠近脩復典禮光華古  
今雖尊履帝位甫滿一期而振起皇維殆行之幾  
徧慨升遐之幽遠以衣慕以無窮屬此繼承方勉  
圖於負荷仰惟謨訓且著示於儀刑自

皇考仁宗昭皇帝留守兩一承嗣大位二十餘年

聖德聖政爾禮部悉恭依以

皇祖太宗文皇帝實錄事一遍行中外悉輯送翰林院編

纂實錄其以太師一國公張輔太子太保成山侯

王通少師吏部尚書憲義少保兼太子少傅戶部

尚書夏原吉為監修少傅兵部尚書兼華蓋殿大學士楊士奇少保戶部尚書兼武英殿大學士黃淮太子少傅工部尚書兼謹身殿大學士楊榮太子少保禮部尚書兼武英殿大學士金幼孜太常寺卿兼翰林院學士楊溥為總裁夫述先朝之盛典用垂憲於永世所係甚重勉罄厥誠欽哉

諭文武百僚脩職勅

宣德元年正月初三日

皇帝勅諭文武群臣朕惟君國莫大於奉

天守成莫重於法

祖為臣之道莫切於忠君而愛人朕嗣承洪業惟

天惟

祖宗付畀夙夜祇敬勵精思治不敢怠寧今肇歲改

元天下一新爾文武群臣皆

祖宗所簡任以遺朕者其必有以副朕之望摠誠秉義茂乃  
嘉猷以輔予德殫厥智慮勤力不怠以盡乃職爾  
惟懋哉治民者悉心以愛民治軍者悉心以愛軍俾  
咸享樂利用副朕子惠群生之意爾惟懋哉端乃  
心慎乃行務忠厚以戒刻薄務正直而戒邪枉毋  
附下以罔上肆已以虐人毋作聰明亂舊章毋黷貨  
利壞名節用光汝績保祿位於悠久爾惟懋哉君

天與大臣相與同德協恭康濟宗內用致太平不惟  
我國家有賴爾亦有顯聞於無窮弗是之率  
而悖德慢禮縱欲徇私

祖宗寬罰之典具在朕不敢私欽哉毋忽故諭

討漢藩平宣諭京師勅

宣德元年八月二十日

皇帝勅諭伍府陞部都察院等衙門今朕親率陸軍  
於八月二十日討叛至樂安州圍城賊衆乘  
城連舉銃砲我軍並無所傷六軍一呼城中  
震懾至二十一日賊首高照見兵威嚴重惶  
懼無措出城彼擒其餘不戮一人秋毫無犯



其特諭爾等知之城中守備尤宜嚴謹不可  
怠忽故諭

討漢藩平班師詔 宣德元年八月二十二日

奉

天承運

皇帝詔曰我祖宗開創洪業封建親藩所以鞏固國  
家永安

宗社朕以天叙嗣承大統醇厚親親至於漢王高煦  
事以叔父未嘗違禮

天地人民所共臨鑒而被包蓄禍心積有年歲昔我

皇祖太宗皇帝覺其潛懷異圖削兩護衛徙至樂安  
州

皇考仁宗皇帝友愛之誠比隆虞舜而乃終背大恩  
以德爲怨今者無故招聚無賴授以兵器驅  
掠良民絜克軍士搶奪軍民馬疋擅放有司  
囚繫強盜縱其爲惡給與賞賜暗結都司官  
及軍衛有司官吏生員人等專賞與金銀等  
物除指揮王斌知州朱恒爲太師都督尚書  
等官其餘各授以職散旗于真定等衛軍官  
爲號潛結北京官員軍民俾爲內應其他奸

謀不可枚舉遂至北京官員軍民山東三司  
衛府州縣衙門官吏人等及其護衛親信軍  
校并被害軍民五百餘人奏發其事朕以至  
親初未之信及差百戶陳剛齋本至京誣罔  
先帝爰及朕躬假此弄兵聲言犯闕乃究多人之言  
具有成迹實歆妄覬大位謀危

社稷流毒生靈春秋之法人臣無將將則必誅其不  
軌如此罪奚可容朕以

祖宗付托之重國家生靈之計不得已親率六師往  
問其罪師臨其境尚擁烏合之衆敢行拒抗

賴

天地眷祐

祖宗之靈罪人即得朕以親親之故不忍棄絕今同  
宮眷居於北京以全始終之恩其餘同惡者  
明正典刑脅從者咸釋不問今已班師嗚呼  
管叔流言成周致辟淮南作孽自闕其躬大  
義不私於所親至仁尚從於寬典詔告中外  
咸使聞知

申諭 廷臣修職勅

宣德二年正月初四日

皇帝勅諭文武群臣朕祇承

天命統御天下亦惟文武群臣相與協恭用臻至理

夫所治天民所相天工其大經大法皆

祖宗違置未爲欽承罔敢踰越惟爾群臣執德以廉  
爲要廉者法之公而政得其平治人以仁爲  
本仁者施之厚而下得其所忠以奉國敬以  
勤事古之良臣率由斯道其勛之哉爾克斯  
道尚慎乃終有或遠者務改厥行庶熙汝績  
用未嘉譽其勛之哉爾不恭命而能者或惰  
遠者益肆明有國法幽有鬼神可不戒歟欽

哉毋怠故諭

上元賜假勅

宣德二年正月十二日

皇帝勅諭文武群臣朕恭膺天命嗣承大位仰惟  
祖宗創業逮守成之艱夙夕兢惕一遵成憲以撫天  
下賴

上天垂祐海宇清寧兩賜特順年穀遂成嘉與臣民  
共享太平之樂今歲維新上元屆節特賜百  
官假十日凡有機務重事封進來聞在京軍  
民如故事張燈飲酒為樂伍城兵馬弛夜禁  
但戒飭官員人等不許因而生事違者罪之  
未為定制故諭

皇太子生詔 宣德二年十二月十五日

奉

天承運

皇帝詔曰朕以菲德祇膺洪圖惟

祖宗創業之艱難惟今日守成之匪易致勤夙夜罔

敢怠寧億兆之繁殫心於和輯

宗社之重未念於繼承善慶有源祥應茲協陽德初

復長子肇生家邦之本尤隆中外之心咸屬

宜施濡澤覃被多方今大赦天下所有合行

事宜條示于后

一自宣德二年十一月十五日昧爽以前官軍民人等有犯除謀反大逆謀叛子孫謀殺及毆罵祖父母父母妻妾殺夫奴婢殺主謀故殺人強盜人命不赦外其餘已發覺未發覺已結正未結正罪無大小咸赦除之敢有以赦前事相告言者以其罪罪之

一各犯人名下自宣德二年十一月十五日以前見追未完者侵盜糧草及一應贓物詔書到日悉皆免追

一逃軍逃囚逃匠人等自詔書到日為始限兩



箇月以裏赴官首告與免本罪軍還原伍民  
還原籍匠復本業

一各處入戶自宣德二年十一月十五日以前  
在逃者詔書到日為始限三箇月之內赴所  
在官司首告與免本罪各回復業戶下過年  
所欠錢糧等項盡行蠲免仍免差役一年有  
司官吏糧里人等撫恤不許取索錢債為由  
因而生事擾害違者罪之

一軍民中有鰥寡孤獨者所司依例存恤毋令  
失所

各處稅糧鹽糧除宣德二年以前未完者照例徵收其宣德三年稅糧以十分為率蠲免三分

一自宣德二年十一月十五日以前連年拖欠諸色課程鹽課茶課各處孳牧虧欠倒死馬騾驢牛羊等畜官軍騎操領養馬騾驢牛羊隻倒死者及連年拖欠蘆柴納欠銅錢顏料膠漆竹木等物追賠未完段疋等件盡行蠲免

一自洪熙元年六月十二日以後宣德二年十

十一月十五日以前軍官及旗軍將軍力士校尉舍人餘丁除犯反叛黨惡不宥外其餘有犯發各處立功哨瞭及充軍等項者並送部查理復其職役官調衛所

一自洪熙元年六月十五日以後宣德二年十一月十五日以前文官有犯發充軍吏役承差者悉送吏部量才授職犯贓罪者不在此例

一自宣德二年十一月十五日以來見任文武官員總小旗有因事停罷俸糧者詔書到日如舊開支

一軍民中有男婦八十以上者詔書到日所司  
仍給絹一疋綿布一疋綿一斤酒一斗肉十  
斤米一石

一文武官員危害軍民許被害之人依大明律  
自下而上陳告如有司不理許赴按察司巡  
按御史處告理如有冤抑方許指實赴京伸  
訴不許擅自綁縛遠者罪之

於戲承序以長用留萬世之傳推德及人弘敷四  
海之福故茲詔示咸使聞知

立皇太子詔 宣德三年二月初六日

皇帝詔曰朕承天序祇奉寶圖惟

祖宗積慶之隆衍本支於至盛惟帝王統理之道建儲副以爲先長子祁鎮日表英明天資端重比者親王文武群臣合誠奉表請立東宮至再至三言之切至恭承

皇太后聖訓國家大經宜徇衆議今以冊寶立祁鎮爲皇太子夫崇建元良所以重萬年之統豫定國本所以係天下之心詔告臣民咸使聞知

改立 申宮初 宣德三年二月辛二日

皇帝勅諭比者皇后胡氏自惟多疾不能奉承祭養  
重以無子固懷謙退上表請閑朕念夫婦之  
義拒之不從而陳詞再三益加倦切已從所  
志就閑別宮其稱號服食侍從悉如舊貴妃  
孫氏昔

皇祖太宗皇帝選嬪于朕十有餘年德義之茂冠于  
後宮實生長子已立爲皇太子群臣咸謂春  
秋之義母以子貴宜正位中宮屢陳表奏今  
允所請冊貴妃孫氏爲皇后爾禮部其具儀  
擇日以聞

諭法司勅 宣德三年二月十六日

皇帝勅諭三法司朕惟聖人制刑罰用昭天討以弼  
治化刑罰當則天道協和人心悅服家國天  
下並受其福否則感傷和氣災沴百出是以  
古者帝王必慎簡刑官我國家稽古爲治三  
法司刑部掌邦憲都察院兼理刑名大理寺  
審理輕重自

祖宗以來慎重人命務在欽恤朕嗣承大統祇奉舊  
章不敢以喜怒爲法輕重期與天下同躋仁  
壽比聞刑罰失當無辜者嚙寃有罪者倖免

朕爲惻然不遑寧處咨爾法司夫儉邪者利  
口柔良者寡訥惟言是稽情爲不辯此其可  
乎玩愒歲月溺於安逸囚繫瘦死恬不爲意  
此其可乎不諳律意不察人情移情就獄苟  
且文書此其可乎或畏權豪徇其請托或念  
恩怨從而報復或播弄刀筆輕重人情或恣  
肆播楚鍛鍊成獄甚至貪圖賄賂顛倒是非  
誣陷良善縱肆奸惡略無畏憚此何心哉一  
夫不獲時予之辜一人稱寃百姓驚駭朕惟  
重刑簡爾賢良惟體朕心同諧厥職



天地神明昭鑒在上善惡之報捷於影響爾惟恭朕  
命惕然警省追改前愆公道惟心以愛人爲  
本庶以持身勤以爲事不惟國家有賴爾亦  
永保祿位貽福子孫爾不恭命明有國法幽  
有神譴爾其欽哉勿貽後悔故諭

諭禮部勅

宣德三年三月初四日

皇帝勅諭禮部朕惟聖人興禮樂以昭神化以正民  
彝故致治之道於斯爲盛朕以菲德承

祖宗付畀之重主典神人表正萬邦而禮樂尤爲切  
要尚體予懷以諧爾職至敬可以格天地享

鬼神爾弼成之天下國家之本在正正心以  
正朝廷正朝廷以正百官正百官以正萬民  
爾弼成之期於明德致君洞達幽明天地以  
位萬物以育九有寧謐四夷咸賓則我國家  
隆興萬世亦有聞於永久至若學校之政所  
以立教興賢必求其實効旌表孝節所以敦  
勸明俗必求其實行尚率乃厲夙夜匪懈用  
圖成績以昭我國家文明之盛毋循習故弊  
廢事瘼官以負朕委任之意欽哉故諭

諭吏部勅

宣德三年三月初四日

皇帝勅諭吏部朕惟人君主宰天下生民之衆政務之繁必簡賢才與之共理其銓選之法殿最之方必屬有司以盡至公我

宗稽古建官選任賢良厥有成憲朕嗣大歷服率由典章不以私昵干名爵不以小人間君子招徠善類以安兆民庶幾輔成之効比隆前古咨爾吏部實典銓衡夫官不必備貴在得人諸司官員舊有定額今事不加多而額外添註紛紛俸位苟祿偷安其可不革正乎吏員出身雖有定格徃時選用嚴慎受宦者

此年吏典考滿者歲以千計不分淑慝一槩  
收用庶能幾何貪鄙塞路其可不精擇乎數  
詔求賢期得實才與共治理而各司所舉不  
論才德或以親故或以貨利徇私濫保假公  
濟欲其可不覈實乎官之考滿績最者陞有  
貪污無耻罷軟無能苟積歲月均得超用何  
以辯清濁職之大小必量才稱任或以權貴  
之言或緣親舊之故不量所能悉授美職何  
以別賢否惟公惟明用人之道書曰舉能其  
官惟爾之能稱匪其人惟爾不任爾其懋哉

蓋庶官之賢否政治之盛衰關生民之休戚  
朕既付爾以銓選之任所選者君子斯庶政  
又安民受其福有利於國家所選者小人則  
庶事隳廢民受其殃歛怨於朝廷爾其慎哉  
君以得賢為本臣以進賢為忠敬之敬之庶  
幾明良相與共致太平之盛故諭

諭戶部勅

宣德三年三月初四日

皇帝勅諭戶部朕惟國以民為本以財為用地官卿  
實掌之夫民衣食實本乎農業種藝以時則  
地無遺利遊食有禁則務本者多庶家給人

足禮教可與比者野不加闢民或流亡爾當  
明夫休養生息之道財賦資國之用出入有  
節則國不致於空匱調度有方則民不疲於  
轉輸京師充實足以馭四方郡邑充實足以  
備荒歉邊境充實足以禦外侮比年遠近困  
於轉運而京師不足爾當審夫措置之宜倉  
廩所儲爲奸盜竊常數萬計豈無關防之術  
爾宜審之遣官催糧往往在外貪濁豈無廉  
公可使爾宜審之商販之徒阻滯鈔法累累  
禁約或通或塞而歛散之方何者爲宜爾宜

審之朕嗣大統董正治官富民足國尤為切  
要書曰政在養民傳曰生之者衆食之者寡  
為之者疾用之者舒則財恒足爾當謹率其  
屬以倡民牧俾吾民家有餘資人尚庶耻以  
弼予雍熙之治庶幾明良相成之美欽哉故  
諭

諭工部勅

宣德三年三月初四日

皇帝勅諭工部朕惟工部掌天下百工山澤之政令  
度民力因地利順天時以成國家之務夫天  
地生人雖有貴賤之分而好逸惡勞情無不

同過用人力則不堪命惟以身體人用人之力如已力斯民不病焉國家用度皆出於民過用於上必過取於下財匱民貧何以爲國惟以身體國用民之財如已出斯財不竭焉凡所興作審度緩急爲之節制以息民力以紓國用斯爲良哉古者役民於農隙當思用之以時古者山林川澤厲禁當思取之有制今天下工匠數倍

祖宗之世而畏避死亡者日多當思撫綏愛養之道至若屯田水利之政皆有成法比年因循廢



三民白子三百卷之三  
弛罔聞實効當思舉興作養之方爾其懋哉  
夫修用傷財培尅之端厲民徇欲歛怨之階  
書曰民惟邦本本固邦寧節財所以愛民愛  
民所以治國大臣之職以道事君尚率爾屬  
惟公惟清輔于予治庶幾明良相成之美爾  
惟欽哉故諭

宣諭瑞應勅一宣德三年八月二十八日

皇帝勅諭文武群臣比者廣東進二白鳥卿等上表  
稱賀以爲朕之孝誠感茲瑞應夫祇敬

祖宗庶養

聖母皆職分之當然何足爲德感瑞之云良增愧懷  
朕德涼薄上念

祖宗付托之大下念生民屬望之重夙夜兢兢弗勝  
召荷賴爾文武群臣同心同德贊輔不逮庶  
幾平治之世今靈物之臻實荷

天地昭格

宗廟垂慶之所至也然古之君臣因祥致敬卿等當  
益殫乃心相與輯寧兆庶永安邦家用答

天與

祖宗之眷佑同享太平無窮之福欽哉故諭

處置王府差人勅

宣德三年八月二十

八日

勅禮部凡各王府差來進表及奏事內官內使人等  
至京其表文奏本物件俱送司禮監收貯待  
奏差來之人聽候回發落禮部如例給與下  
程故諭

親征北虜宣捷勅

宣德三年九月十五日

奉

天承運

皇帝詔曰恭

夫德民固無華夷遠邇之間除殘去暴本於帝王仁  
義之心故拔狼莠所以育苗而斬蛇虺為其  
傷物善善惡惡明王所同朕嗣

祖宗之洪圖主萬邦之兆庶志存康濟夙夜惟勤以  
殘胡尚為邊患爰及農隙躬歷疆陲飭勵將  
士嚴固防守九月初二日駐節石門遽得邊  
報胡寇數萬南侵豕突獸奔以逼近境朕躬  
率鐵騎三千馳赴之將士比力協心咸奮以  
當百斬馘虜首萬餘級擒其酋長百餘人徑  
擣其巢穴盡獲其人口兵器馬疋牛羊輜重

不可勝計腥羶蕩滌邊境肅清遂班師振旅  
於戲稔惡弗戢醜虜何追於天誅威武載揚  
嘉竝豈予之所志庶幾攘夷之績用副保民  
之心詔告中外咸使聞知

皇明詔令卷之九

宣宗章皇帝下

上元賜假勅

宣德四年正月初一日

朕荷

天地

祖宗眷佑嗣位以來四方萬國恪共職貢邊境寧謐

寰宇肅清時和歲豐民物康阜亦爾卿等盡

心匡輔以臻于治正宜共樂太平茲歲事維

新上元節屆特賜百官節假自正月初一日

至二十日飲酒爲樂凡幾務重事其具本封

進官員軍民悉如故事張燈五城兵馬弛夜  
禁不許一槩人等因而生事違者罪之卿等  
其體朕意故諭

禁諭部院差官擾民勅

宣德四年五月二十日

皇帝勅諭六部都察院朕惟為國以民為本民安則  
國安朕嗣承

祖宗大統君主天下孜孜夙夜以安民為心至於國  
家用度有不得已取之於民者朕尤惓惓軫  
恤民艱爾六部都察院為國大臣常秉愛君  
愛民之心俾有益於上無怨於下庶幾不忝

朝廷取用物件或買辦或徵收動輒差官數員  
於州縣坐併一起未回又差一起其差去官員  
又各有幫虎十數為之鷹犬漁獵以一科百以  
十科千筭楚頻繁民不勝其毒害所取民物百  
分之一納於公家餘剝悉歸於私室人之困苦  
日益月增原差衙門非不知之實縱其所為風  
憲耳目非不聞知亦各不糾舉仁人君子有忠  
君愛國之心者忍為之哉自今爾等尚滌心悔



過以革前弊朝廷有緊要重事方許慎選廉公  
幹濟官員出外催辦其不急之務再不許朦朧  
一槩差貪婪暴虐之人在外假公營私擾害良  
善如有復蹈前非并犯人一起處以重罪巡按監  
察御史及按察司官仍暗行體察不問中外官員但  
有騙要財物及害民事件明白具實奏聞如御史  
按察司官坐視不言事發一體治罪不恕故諭

戒諭方岳風憲官勅

宣德四年五月二十八日

皇帝勅諭天下布政司按察司及巡按監察御史

朕荷

天命嗣承

祖宗洪業爲天下生民之主夙夜孜孜惟以保民爲心  
而比歲以來田里小民負苦含冤赴京陳訴者  
日以百數十計究其所由皆始於州縣官不得  
人之故蓋小民爲吏卒人等及富豪勢家侵損  
凌虐不能自存故訴於縣縣受賄賂反以枉爲  
直以是爲非及淹禁歲月致冤抑之人駢死無  
辜而後之被害者遂徑赴京師違例越訴但求  
雪冤忿雖死不恤京師詞訟之繁皆由於此夫  
理訟之道但推究其情實枉者必直之犯者必

罪之罪一人而百人懼將見橫民自戢良民自  
安訴訟自簡官府亦自然政平而刑清矣已令  
都察院榜諭中外有越訴者必加之罪今特諭  
爾等宜悛改前弊務去惡而衛善鋤強而扶弱  
如復不改致無理者肆虐不已被害者歸怨朝  
廷則國典具在罪不可逃且方岳總郡縣之政  
風憲係耳目之寄近朝廷遣人於外徵收買辦  
合用物件所遣之人惟務背公營私以肥身家  
威驅勢迫貪婪無厭小民受害莫能控訴方岳  
風憲之臣悉不以聞察之於法罪豈可容其已

往者姑置不問今不論中外官員人等公差在外敢有仍前貪虐害民者爾布政司按察司巡按監察御史並具實跡密封奏聞如仍前坐視民害緘默不言一體治罪不恕故諭

優免軍戶丁差勅

宣德四年六月二十八日

勅諭天下衛所軍士拋離鄉土在伍務要治辦軍裝等件艱難自今後凡是軍戶每軍一名優免其原籍戶下一丁差役若在營有餘丁亦免一丁差使令其專一供給軍士盤纏庶不失所爾等其欽承朕命毋怠

禁諭在外三司并巡按御史違令差官勅

宣德四年十月初四日

皇帝勅諭天下都司布政司按察司及巡按監察御史  
朝廷建置三司及軍衛府州縣有正有佐正者  
總其綱佐者輔其政如政務繁殷則佐貳分理  
正官總督之庶幾紀綱不紊而事畢舉昔我

太祖皇帝

太宗皇帝

仁宗皇帝皆命諸司毋得擅差都司布政司按察司  
及軍衛府州縣正官掌印正官朕嗣位之初

亦已申舉舊章令遵守毋違近年以來爾等  
欽差內外官員故違舊制遇有事務輒委三  
司及差軍衛府州縣正官掌印官幹辦更不  
思正官掌印官所總之事非一又或各衙門  
官有薦能者輒坐名差委亦不思所委止是  
一事一事雖完而誤衆事其各衙門官有不  
才者亦喜得別差以避繁就簡往往差委俱  
盡別委千百戶及陰陽醫學等官或吏員人  
等護印署事吏肆其奸人受其害官府政務  
十誤八九以致軍匠累年不清稅糧累年不

完原爾等所犯法難容恕今姑記爾等之罪  
勅至但是三司及軍衛府州縣正官掌印官  
見被差委在外造辦及幹辦者即令回任管  
事不許稽遲自今一應辦理其內外官員並  
不許指以欵差爲由輒自差委正官掌印官  
及坐名差遣違者悉處重罪凡各衙門官吏  
或有貪虐苦害軍民及闕茸誤事者爾等即  
具實奏聞以憑點罰欵承朕命毋怠毋忽故

諭

禁諭在京諸司違令差官勅 宣德四年十月初四日

皇帝勅諭五府六部都察院通政司六科給事中朝廷建置都司布政司按察司府州縣官有正有佐正者總其綱佐者輔其政如政務繁則佐貳分理正官總督之庶綱紀不紊而事畢集我

太祖皇帝

太宗皇帝

仁宗皇帝皆命在京諸司毋得擅差三司及軍衛府州縣正官掌印官朕嗣位之初亦已申舉舊章誠勵諸司近年以來率不



遵守遇有事務輒朦朧差委正官掌印  
官出外幹辦更不慮正官掌印官所總  
之事非一又或各司府州縣官有廉能  
者輒坐名差委亦不思所委止是一事  
一事雖集而誤衆事所成者少所誤者  
多其三司軍衛府州縣官有不才者喜  
得別差避繁就簡往往差委俱盡別委  
千百戶及陰陽醫學等官或吏員人等  
護印署事吏肆其奸人受其害官府政  
務十誤八九致使軍伍累年不清稅糧

累年不完原夫弊之所起寔自在京諸  
司其初文書行移皆經通政司六科而  
互相蒙蔽緘默不舉既往之失姑記不  
問自今五府六部都察院但有行移在  
外三司軍衛府州縣催辦事務悉令聽  
本衙門自行分官辦理在京諸司並不  
許輒差其正官掌印官及坐名差官者  
悉處重罪其通政司六科不糾舉者罪  
同夫為臣之道當推公正之心上遵成  
憲下體人情毋專一己之便毋視一事

之利庶副朕建官圖治之意欽哉故諭  
聖駕出郊大閱勅宣德四年十月十九

皇帝勅諭五府六部等衙門朕賴

天地

祖宗眷佑文武之臣盡心乃職以致四海清寧

軍民樂業今將閱武郊外而諸將整擗

軍馬扈從六部等衙門各令堂上官一

員帶領官一員隨侍前去特命豐城侯

李賢都督蔣黑兒掌戶部事太子太師

郭資兵部尚書張本都察院右都御史  
顧佐居守北京凡一應大小之事須用  
措置得宜纖毫不可怠忽或遇有緊急  
機密重事務同心計議亭當隨即施行  
仍差人星馳具奏不許遲緩如遇外夷  
使臣來朝須同太監楊英等計議管待  
亦星馳奏報爾等務要晝夜盡心十分  
詳慎以副朕委任之重故諭

上元賜假勅

宣德五年正月初二

日

勅諭文武群臣今四方寧謐邊境無虞年穀豐登軍民安適海內海外罔不悉臣此皆上天眷祐

祖宗垂福及爾群臣贊輔所致茲歲事肇新上元節屆正當相與同樂治平自正月初二日為始賜百官節假至本月二十日遇機務重事具本封進官員除齋戒外餘日及軍民人等悉聽飲酒為樂京師如故事張燈五城兵馬弛夜禁尚各循禮度用副朕懷有因而生事者罪之故

諭

考覈在外軍職勅 宣德五年二月初二

三

皇帝勅諭天下都司按察司及巡按監察御史  
朕惟兵政國之重務得其人則其政舉  
不得其人必鮮克有濟今所屬衛所指  
揮千百戶鎮撫有公廉幹濟能整裨軍  
馬者有老幼殘疾不能任事者勅至爾  
等即列姓名來聞其中若有貪婪不才  
虐害軍士者即從訪察開具實跡奏聞

遇有總兵及鎮守官去處務會同整理  
庶幾用人不混兵政不隳若徇私不公  
訪察不實國有常憲其欽承朕命毋怠  
故諭

萬壽聖節給群臣宴賞勅

宣德五年二月初九

日

朕今初度之旦上念

劬勞大德允切於心幸侍

聖母皇太后洪福萬年每當茲辰奉觴稱慶伸婉愉  
之誠致天倫之樂必在從容以愜所志爾文

武群臣應宴者悉於光祿寺給宴物自今悉  
准此例故諭

春和寬恤勅

宣德五年二月二十日

皇帝勅諭六部都察院朕恭膺

天命嗣承

祖宗鴻業夙夜孜孜保民圖治每食則思下人之饑  
每衣則思下人之寒心存民瘼未嘗忘之今  
春氣方和須行寬恤之令條示於後其速行  
之爾六卿大臣與國同休為德為民務盡乃  
心如政令有所未當者朕慮有所未周者尚



審思列奏都御史任耳目之寄亦宜博訪以聞庶用副朕恤民之意欽哉故諭

一宣德四年各處有經水旱蝗蝻去處速行巡按御史按察司委官從實體勘災傷田土明白具奏開豁稅糧坐視不理者罪之

一宣德三年以前官員軍民有倒死馬騾當追賠者及軍民有虧欠孳生馬匹者悉免追賠

一宣德三年以前軍民有拖欠柴炭草束者盡行蠲免

一各處百姓近因饑窘逃移他處者速行各布

政司按察司及府州縣招諭復業仍善加撫恤免其戶下稅糧及雜泛差徭一年

一除造軍器及軍需買辦外其餘營造等事各處買辦採辦顏料生漆等物工部速行有司其已買辦在官差人運赴京庫交收未辦者盡行停止其差去買辦採辦官員人等即令回京不許留滯擾民

一朝廷所用之物各有土產去處今後凡遇買辦只於土產去處收買如收買數多量免其他差役以優恤之不許一槩分派於不出產

去處收買科擾害民違者罪之

一各處舊額官田起科租稅既重農民弗勝自今年為始每田一畝舊額科糧自一斗至四斗者各減十分之二自四斗至一石以上者各減十分之三求為定例

一邇年在京做工人匠多有逃者蓋因管工官作頭人等不能撫恤又私縱強壯者不令赴工但辦納月錢入已并冒關其糧賞却令貧難者常川做工又逼索其財物受害不已安得不逃及差人勾取差去官員人等苦害之

逼取財物工匠受害弊非一端自今工匠一  
戶有二丁者令一丁放免四丁者二丁赴工  
二丁放免六丁以上俱准此例單丁者與別  
戶朋合聽其一年或一年相輪代替不得以  
失班例論罪如遇大營造暫借撮工者計其  
用工月日准後班次用工之處常差監察御  
史給事中點閘考其工程有仍前作弊者就  
行執奏究治庶革宿弊下得均其勞逸上不  
虛費糧賞

一工匠有年老殘疾戶內無力者保勘明白即

與分訟

一 邇年逃匠往往有懷挾私讐妄指平民爲匠所司不與分訟民受其害者多有未分訟者工部法司即與分訟仍行禁止有再犯者重罪不恕

一 各處衛所有司倉厥官攢斗級交通糧戶私下包納虛出實收作弊百端今後監察御史按察司往來巡視但有作弊就便拿問

一 理刑之官惟公與明使有罪不得以苟免無罪者不陷於冤抑庶幾稱職比聞法司嚴刑

之下何獄不成若有罪而縱之則凶人益肆  
無罪而枉之則善人何恃且賊汚士之極醜  
無斯行而加斯名即弃終身豈當不念自今  
以爲戒必明必公必詳必謹庶副朕欽恤之  
意

列聖忌辰輟朝勅

宣德五年四月二十四日

皇帝勅諭禮部朕嗣承

祖宗大位夙夜祗惕慮弗克勝忽遇忌日重懷愴感  
仁宗溥皇帝

溥皇后崇善慶之源其忌日官員朝參輟奏事

太祖高皇帝

孝慈高皇后大開創之業

太宗文皇帝

仁孝文皇后隆中興之功

仁宗昭皇帝光繼統之治忌日悉輟朝祭歲為定例  
用伸朕永慕之誠其敬承之故諭

仁祖淳皇帝

四月十六日愍忌

溥皇后

四月十六日生忌

四月十一日愍忌

太祖高皇帝

九月十八日生忌

五月初十日愍忌

孝慈高皇后

七月十八日生忌

八月初十日愍忌

太宗文皇帝

四月十七日生忌

七月十八日愍忌

仁孝文皇后

二月初九日生忌

七月初四日愍忌

仁宗昭皇帝

九月二十一日生忌

五月十二日愍忌



勅吏部追奪誥勅勅 宣德五年五月初四

日

朝廷誥勅本用褒勉臣下盡心職事與奪都要的當  
凡受誥勅的其未受之先曾犯賊罪已經赦  
宥悉皆追奪若受誥勅之後犯賊罪雖經赦  
宥亦皆追奪未爲定例故勅

採辦魚隹等項勅

宣德五年五月

二十二日

勅直隸應天鎮江等府州縣并湖廣浙江等都司布  
政司今遣內官吉祥等前來爾等可差委

當官員同去署落所屬河泊所於河江內採  
取魚隻等項製造物件來合用裝盛箱篋扛  
索等件就於所在官司造辦合用裝載船車  
人夫經過軍衛有司應付并差人管送務要  
軍民安妥官無勞擾政有因而生事妄行科  
歛及虐害軍民騙要物件者一體論罪不輕  
故諭

選授郡守勅

宣德五年五月二十七日

國家之政重在安民安民之方先擇守令朕臨御以  
來孜孜夙夜保民爲心比歲田里之民鮮得

其所究其所自蓋守令匪人或恣肆貪刻剝  
削無厭或闒茸慵懦坐視民患相爲蒙蔽悉  
不以聞致下情不得上通上澤不得下施今  
慎簡爾等付以郡寄夫方千里之民安危皆  
係於爾宜體朕心以保養爲務必使其衣食  
有資禮義有教而察其休戚均其徭役興利  
除害一順民情毋徒玩愒毋事苟簡毋爲權  
勢所脅毋爲奸吏所欺凡公差官員人等有  
違法害民者即具實奏聞所屬官員人等作  
弊害人爾就提下差人解京爾等亦宜奉法

循理始終不違無負朕之委任欽哉故諭

龍駒却賀勅

宣德五年七月十七日

勅諭文武群臣禮部言山西所進龍馬駒以爲瑞應  
群臣同上表賀朕自承大統孜孜夙夜期與  
華夷同臻康太幸數年以來國家平寧歲屢  
有收百姓粗安邊圉清肅此皆

天地

祖宗之佑群臣贊輔之力方切敬慎惟懷永圖夫年  
穀豐登生民給足仁賢効職四裔順服禮義  
興於閭閻武備脩而不用此有國之上瑞也

朕與卿等共祗勉之一獸之異未足爲瑞其  
止勿賀故諭

考察府州縣官勅

宣德五年七月二十七日

皇帝勅諭行在吏部今天下府州縣官有賢能清正  
忠君愛民超出群類者亦有不才貪酷壞法  
害民衆所怨惡者爾吏部即行各布政司按  
察司巡按監察御史令體訪明白賢能者從  
實具名奏聞不才者各具所犯就差人管解  
赴京務在公當毋或徧徇以昧是非之正欽  
哉故諭

冬至賜假勅

宣德五年十一月二十六日

今海宇寧謐年穀豐登軍民安適庶幾治平  
之世茲蓋冬至鴻臚寺奏文武百官節假三  
日特命與假十日朕恭侍

聖母皇太后奉觴上壽百官給筵宴歸各飲酒為樂  
亦各慎德毋愆禮度用副朕與群臣同適之  
意欽哉遇有機務重事具本封進故諭

上元賜假勅 宣德六年正月十四日

朕承

祖宗大位孳孳圖理夙夜惟勤上荷

天地

宗廟之佑群臣劬恭繼統以來邊境清寧五穀屢熟  
比者

上天示象積應荐昭嘉與臣民樂時康泰今上元節  
令令京師張燈五城兵馬弛夜禁官員軍民  
人等皆飲酒為樂仍賜文武百官節假自正  
月十四日為始至本月二十五日遇機密重  
事具本封進其各循禮度毋作愆過庶幾同  
享太平之福欽哉故諭

元旦日食免賀勅

宣德七年正月初

皇帝勅諭文武群臣朕以菲德君臨萬姓期與天下  
同樂治平肆夙夜孜孜欽崇天道庶伸昭事  
嘉貺未臻比者欽天監言今歲正旦日有食  
之夫日衆陽之宗也正旦一歲之首也上天  
示警厥係匪輕朕祇存惕勵用謹天戒群臣  
同體所宜協恭其免今日朝賀爾文武群臣  
即詣禮部護日如儀各罄乃誠欽哉毋忽故

諭

上元賜假勅

宣德七年正月十四日



朕承大位荷

天地

祖宗之祐四方無事年穀屢登今上元節屆賜臣假  
十五日京師如例張燈五城兵馬弛夜禁臣  
民皆飲酒爲樂宜各循禮法不可流蕩無任  
以取罪愆諸司亦不可大廢職事遇有機務  
具本來聞故諭

誅宦者袁琦勅

宣德七年正月十九日

皇帝勅諭南京應天等府錦衣等衛并中都留守司  
及直隸衛所府州縣朕恭嗣

祖宗大位夙夜寅恭不遑暇逸誠以天下者

祖宗之天下軍民者

祖宗之軍民軍民安則天下治天下治而後有以仰副  
祖宗付託之重爰自臨御以來惟以安民爲心近者犯  
人袁琦因隨侍日久授以內官監太監輒敢肆  
其狡險欺瞞朝廷假幹辦公務爲由朦朧差遣  
內官內使在外凌辱官員毒害軍民恣肆兇殘  
貪暴狼籍所得金銀財物動以萬計人不聊生含  
冤無訴所在有司坐視民患徒懷競惕默不敢言賴  
天地不容神人共怒發其罪惡其袁琦等已明正典刑身家

俱滅已勅法司榜示天下勅至爾等其體朕恤人之心務隆綏撫夫民者國之本也代天理民者君爲國安民者臣等勉之必使軍民皆安於下而無嘆息愁恨之聲庶幾盡爾等之職而不負朕之委任爾等勉之凡出差內官內使其寄附贓物在官員人等之家許令自首歸官與免本罪若隱匿不首事發與犯人同罪有投托跟隨內官內使通同害人者就拿下枷釘差人解來凡內官內使所幹辦公務其合用一應物件照例應付不許稽違故諭

採辦勅  
宣德七年二月二十七日

勅應大蘇州常州鎮江等府今遣內官安兒阮寬前來採辦物件爾等即依上年事例應辦不許故違亦不許因而擾害百姓有端違者與之同罪故勅

春和寬恤勅

宣德七年三月初一日

勅諭五府六部都察院衙門朕以菲德恭承天命嗣祖宗之大統夙夜惓惓思付託之重夫君國之道保民爲要當春時和萬物發生顧念軍民有未得所祗體造化之仁爰敷懷保之政庶幾下人蒙福而有以仰答

天與

祖宗之心凡爾群臣宜同朕心合行庶事勉務欽承  
故諭

一近年百姓稅糧遠運艱難官田糧重艱難尤  
甚至宣德七年爲始但係官田塘池不分古  
額近額悉依宣德五年二月二十日勅諭恩  
例減免中外該管官司不許故違

各處軍民人等積年逃聚山林者本皆朝廷  
赤子蓋因所司不能存恤肆行貪暴以害之  
致我不得已爲偷生之計既喪其家業栖栖  
窮窘無所依歸甚可憐憫今悉宥其罪即令

所在府州縣官用心招撫令歸復業其不願  
歸本鄉者聽其所在有司入籍爲民給與荒  
閒田地爲業免差役三年有司厚加撫恤以  
副朝廷矜憫窮民之意有司官吏里老敢有  
違者聽巡按監察御史按察司官體訪拿問  
一各處逃移人戶自宣德六年四月以後回還  
復業者其中係工匠站竈等役有司毋得輒  
便勾擾自復業日爲始免其差役一年之後  
生計已成方許赴役

一各處課稅因商賈阻滯鈔法加倍罰納今鈔

法頗通除正額外倍罰之數以十分爲率減三分塌房減五分南北二京不在此例候鈔法疏通再行定奪

一軍民有犯拖欠宣德五年桑穰柴炭蘆席者悉皆蠲免

一在京在外軍官旗甲有爲事停止俸糧者自今年三月爲始仍舊支給

一在京在外衛所軍士有陣亡傷故失陷及溺等項在營有母妻單身別無依倚者所在官司每月支米三斗養贍終身若查原籍有丁

勾取至營者住支

一自宣德五年以前軍官總小旗有爲事罷職  
役發總兵官處立功者悉復職役仍於立功  
之處聽總兵官調用原任都指揮以上兵部  
查勘具奏定奪原係真犯死罪免死發充軍  
者不在此例其宣德五年以前軍官旗校軍  
人犯罪見在做工運磚未完者悉宥之令復  
職役

一自宣德五年以前軍民有拖欠種馬當賠償  
者如係秋收豐熟去處許令納米賠償每馬



一匹納米十石就於附近軍民官倉交納不  
係豐熟去處於今年秋收納米賠償

一緣邊軍士職專備禦邇年多有投托總兵鎮  
守等官作家人及被役使種田生理等項有  
一員占用數百人者兵部出榜禁約巡按御  
史按察司官時常巡察違者具實奏聞

一在外文武衙門大小官員有貪虐無耻蠹政  
壞法以致軍民受害者巡按御史按察司官  
從實考察具實奏聞以憑黜罰果有廉幹循  
良爲軍民興利除害者亦具名聞以憑獎勞

若徇私糾舉者罪之

一布政司按察司官及知府知州得其人則民安非其人則民受害該部徃徃徇私陞授不免賢否混淆自今布政司按察司官及知府知州有缺吏部行移在京三品以上官舉保及布政司按察司堂上官連名舉保必廉公端厚能識大體爲國爲民者吏部審其所保果當具名奏聞量授其職後犯賊罪并罰舉者及所保授官員如或有人指告其罪法司必先取問賊証明白然後具奏提問今後各

縣知縣吏部亦須選用得人  
不許一槩濫授  
一各處有文學才行卓然出眾之士自三十五  
歲以上令所在有司舉保送赴京師選用  
一軍民之中有智謀才勇精於武畧者令中外  
文武臣僚詢察舉保赴京選用

一唐虞之世罰弗及嗣自洪熙元年五月以前  
犯罪典刑者已屢經赦宥子弟中果有才行  
文學聽舉保選用惟犯謀逆典刑者子弟不  
係選用之例

一學校養賢才爲國之用學官宜嚴訓誨有司

宜勤勉勵風憲官時加考察務臻成效

一天下祀典神壇常須潔淨或有損壞所司隨即修理庶幾神用妥靈人用獲福

求賢勅

宣德七年八月初九日

皇帝勅諭行在吏部夫致治之方用賢爲要事君之道薦賢爲忠朕主宰天下思惟負荷之重必得賢才共圖治理夙夜在念寢食弗忘嘗勅朝臣三品以上舉薦所知又出示招隱倚蘭之作庶幾群臣咸知朕意近惟一二廷臣有舉薦其餘曠時積月不舉一人豈可無遺賢

歟抑今中外所用皆得人與蓋典銓衡者之  
怠忽也朕以求賢望理不徒視爲虛文孔子  
曰十室之邑必有忠信况今天下之廣生民  
之衆爾吏部即令在京三品以上衆議推舉  
有才行者有文學者具名來聞以憑推用不  
許徇私濫舉塞責仍同都察院考察在外方  
面有司官之昏懦不立貪暴無厭者具奏黜  
罷之庶以副朕惓惓求賢圖治之意欽哉故

諭

嘉禾却賀勅

宣德七年八月十五日

勅諭文武群臣今陝西進嘉禾蓋豐稔之祥又中外  
之地連產瑞瓜此皆

天地

祖宗之所垂佑朕曷克以致之而卿等歸德朕躬欲  
進表賀內自脩省歎焉於心其止勿賀朕夙  
夜孜孜圖惟生民之安以冀不忝

天地

祖宗付畀卿等皆體朕之誠勉盡厥職上以益君之  
德下以厚民之生戒乃玩愒務圖實功庶副  
朕之委任欽哉故諭

上元賜假勅 宣德八年正月初一日

皇帝勅諭文武群臣今國家寧謐邊境無虞特和歲  
豐軍民樂業庶幾小康斯皆

天地

祖宗眷佑亦爾文武群臣贊輔所致茲歲事肇新上  
元節近正當共樂太平自正月初一日為始  
賜百官節假至本月二十五日遇機務重事  
具本封進官員除齋戒外餘日及軍民人等  
悉聽飲酒為樂京師如故事張燈五城兵馬  
弛夜禁尚各循禮度用副朕懷有因而生事

者罪之故諭

戒諭朝覲官員勅

宣德八年正月十三

日

皇帝勅諭天下朝覲官員朕承

祖宗大位統御天下惓惓夙夜惟在安民故屢降璽

書敷布仁澤所冀黎庶悉遂其安然今布政

司按察司府州縣等官有賢否凡命令之下

有敬謹奉行者亦有恬不經意視爲虛文者

朕雖切於愛民而民不得咸被其澤自今宜

悉務忠勤體朕恤民之心凡職事所當爲者



母怠母忽庶幾稱朕設官養民之意如不悛  
前過或貪虐縱肆

祖宗大法具在朕不爾貸欽哉故諭

災異肆赦詔宣德八年四月十五日

奉

天承運

皇帝詔曰朕以菲德恭嗣

天位統馭兆民夙夜惓惓圖惟安利今畿內河南山  
東山西自春及夏雨澤不降人民饑窘朕甚  
惻焉夫

上天降災厥有攸自其政事之有缺歟刑罰之失中歟徵歛之煩繁歟撫字之不得人歟未念其咎內疚於心思惟感通之道必廣寬恤之仁庶

上天鑒之旋災爲福所有合行事宜逐一條列故茲詔示咸使聞知

一南北直隸府州縣并河南山東山西三布政司凡災傷去處人戶自宣德七年十二月以前拖欠稅糧戶口益糧及官軍屯種子粒悉皆停徵其拖欠各色課程并各衙門見坐派

買辦採辦諸色物料顏料等項及虧欠孳牧  
馬騾驢牛羊牲口悉皆蠲免仍免其今年夏  
稅軍民乏食者所在官司驗口給糧賑濟如  
官無見糧勸率有糧大戶借貸接濟待豐熟  
抵斗酌還

一被災之家優免一應差役一年官吏里老用  
心撫恤毋令失所

一戶部禮部工部等衙門通年坐派各處買採  
諸色物料顏料藥料香料金銀箔油漆等項  
及茶臘桑穰糖蜜牲口乾魚一應厨料并造

辦果品等項但係宣德六年十二月以前拖欠未完者悉皆蠲免

一各處進納加賠商稅課鈔除納完外但係宣德五年十二月以前拖欠者悉皆蠲免宣德六年至七年終拖欠者減半

一各都司衛所并大僕寺苑馬寺該追倒死虧欠騎操孳牧馬騾牛羊驢匹但係宣德七年十二月以前悉皆宥免

一後軍都督府及工部軍衛有司採運柴炭蘆葦但係宣德六年十二月以前拖欠未完者

悉皆蠲免

一戶部通年坐派軍衛有司發青草束但係宣德六年十二月以前拖欠並照例折鈔者悉皆蠲免

一工部坐派各處採運木植其見在山場堆聚者令所在官司如法苦蓋毋致損壞見在水次者陸續起運前來

一法司及各處見追犯人金銀段疋及米鈔草束竹木等項除正贓不宥外其倍罰及追賠者俱減一半徵收草束沓爛及延火燒者宥

免

一各處抄造紙劄及一應買辦但係宣德六年十二月以前拖欠未完悉免

一各處通年拖欠稅糧但係宣德四年十二月以前悉皆停徵

一宣德六年十二月以前各處拖欠課程鹽課者悉皆蠲免

一在京在外都指揮千戶百戶鎮撫旗軍有住支俸糧者詔書到日照舊關支

一直隸令巡按御史在外令按察司審察軍民

衙門刑獄有寬抑者即與伸理但不許因而縱放有罪其見在監罪囚除謀反謀殺祖父母父母妻妾殺夫奴婢殺主人命蠱毒魘魅毒藥殺人強盜奸詐及偷盜官糧外其餘罪犯並與寬減一等科斷

一 逃軍逃匠詔書到日限兩箇月以裏許令所在官司首告免其本罪軍還原伍匠仍當匠一 失班入匠俱免罰工令其仍舊輪班後不爲例

一 布政按察司府州縣每衙門務連名舉保賢

良方正一人送吏部量材擢用

一諸司官吏有貪酷害民及鬪茸直隸令巡按御史在外令按察司審實奏來以憑罷黜其按察司貪酷害人及鬪茸者從巡按御史審察奏聞

一中外比年冗官過甚虛費廩祿無所裨益在內令吏部都察院在外令布政司按察司巡按御史及府州縣正官公同於添設員數內斟酌其職務繁簡輕重量留在任餘悉送回吏部不許托故在任仍前冗濫



一各處近設撫民官本為安民自赴其任並無  
上言民情利病者且聞於民無益有損詔書  
至日悉回還吏部如其中有清廉幹濟舊官  
所不及者許令親臨上司保留在任起送舊  
官回還吏部仍具奏聞

一朝廷差去內外官員人等務要體朕愛民之  
心謹守禮法不許在外生事需索百端擾害  
軍民今後敢有違者從巡按御史按察司具  
實奏聞處以重罪坐視不言者同罪

因災戒諭廷臣勅

宣德六年四月十六日

皇帝勅諭五府六部都察院朕嗣大位以來夙夜孜孜以安養斯民爲心夔下矜恤之令蠲逋負寬刑獄選用牧守賑恤無靠惟恐下人有未得所而比者南北直隸及河南山東山西並奏春夏不雨麥苗焦稿穀種不生老稚嗷嗷困於饑饉流亡散徙甚可矜憐夫災祥之興皆由人致朕存兢惕誠切於心已詔中外覃敷寬政爾等在廷文武之臣皆受付托之重宜同朕之休戚詔條所列恪遵行之必誠必信毋或違慢經云民惟邦本本固邦寧卿等

其篤國家經遠之慮母苟且玩愒蓋事君之忠莫先保民若削下以求達取人以自肥明有國憲幽有神罰其敬之哉其慎之哉故諭

恤囚勅 宣德八年六月二十日

皇帝勅諭天下都司布政司按察司巡按監察御史所屬衛所州縣朕於刑獄念人命至重矜恤之心夙夜孜孜今天氣炎熱已勅在京法司九獄囚除真犯死罪監候其餘所犯隨時問理發落不許淹滯具有情輕提人待對及照勘者聽其親隣知識人等保領在外聽候庶

副朕欽恤之心若保領在外脫逃者處以重罪爾等尤宜秉蕪正之心不許濫刑以枉無辜亦不許貪賄以廢公法欽哉故諭

切責廷臣廢職勅 宣德八年七月二十日

皇帝勅諭五府六部都察院大理寺等衙門朕以窮德嗣承

天位夙夜惟寅恪守

祖宗之法用熙庶績用撫兆民亦惟爾文武群臣是匡是弼九爾群臣亦皆

祖宗獎掖以遺朕者宜同心協恭期務康濟庶幾不

負

祖宗之托今在廷典銓選掌兵政司錢穀理刑獄董  
繕作之臣固有秉正直守法度以副委任者  
亦有苟徇私情不擇公道是非當失請託肆  
行違越禮法怠廢職事致下譏議洋洋上聞  
有臣若斯其將誰托自今宜省躬知過洗滌  
舊染勉圖自新庶長保祿位光輔予理如執  
迷弗悛則

祖宗之法真存必不汝貸汝惟欽哉故諭

採辦勅 宣德八年八月初二日

勅奉御劉安兒知府莫愚况鍾等今年閏八月節  
稍遲爾等再取促織一千個兩運送京劉安  
兒在後運來故勅

差官審錄勅 宣德八年八月十八日

皇帝勅諭刑部都察院大理寺朕體

上帝好生之心惓惓夙夜惟刑是恤今爾等處決天  
下重獄夫犯者既皆在外但憑所具之詞  
即行處決其詞寧無虛飾者乎人命至重  
死即不可復生其遣的當官分臨各處同  
三司巡按監察御史及府州縣公同詳細

審實若情犯深重果無冤枉聽從處決如  
情有可矜獄有可疑及審異不服者仍監  
候具

奏與之辯理切不可輕率致人冤抑慎之  
慎之故諭

星瑞諭答廷臣勅

宣德八年閏八月  
十七日

皇帝勅諭文武群臣卿等以景星見歸德朕躬奉表稱  
賀溢詞過美匪朕克當朕自臨御以來深惟

天與

祖宗付託之重內付菲薄負荷實難以是惟

天地

祖宗之佑海宇無事百穀屢登生民遂安四夷順服  
庶幾小康之世今新歲令節嘉與臣民同  
享斯慶其自正月初二日為始賜文武群  
臣節假至本月三十日止遇機務重事具  
本封奏除齋戒日外餘及軍民人等悉聽  
飲酒為樂上元節如故事張燈五城兵馬  
馳夜禁官員軍民人等各循禮法毋作愆  
過庶副朕意

假日免朝勅

宣德九年正月二十六日



勅諭令節假將滿自二十七日至二十九日皆免文武百官朝參聽其遊樂俱各謹禮度以副朕懷欽哉故諭

恤軍勅

宣德九年三月初一日

皇帝勅諭天下按察司及巡按監察御史朕惟兵政

國家重務

祖宗以來於撫恤軍士整飭兵備皆有成法朕屢戒中外武臣令守法愛軍近者內外都司衛所管軍官員全不用心整治惟

上天至仁是體惟

祖宗成憲是遵悵悵之心養民爲切宵衣旰食靡或  
怠寧今星文之瑞實賴

天地眷祐

祖宗垂慶暨爾群臣協贊之勤以克致之朕何德焉  
然聖之心惟德是敬恒歛

天自度不因祥而自矜爾文武群臣尚期夙夜同心  
同德佐朕于理治政事者以安民爲本典軍  
旅者以文武爲重任刑法者以平恕爲要敬  
慎行之毋懈毋怠庶用下慰四海生靈之願

望上答

天地

宗廟之靈既而吾君臣得同享無疆之美矣欽哉故諭  
長至賜假勅

宣德八年十月三十日

皇帝勅諭文武群臣鴻臚寺奏久節假三日年穀已  
登四境寧靜其賜文武百官假十日各飲酒  
爲樂共享太平但敬慎禮儀以副朕意遇有  
重務封本來聞故諭

獻歲賜假勅

宣德九年正月初一

勅諭朕爲天下注賴

務貪賄以肥身家凡有征差則差貪賣  
富有徵辦則倍加需索又有多佔伴當  
或包納月錢縱放買賣或以答應上司  
為由勒除月糧或指操備色名剋減布  
花生事科擾千端萬狀以致軍士窘於  
衣食妻子不能管顧不得安身累累逃  
竄其該管都司及親臨風憲官明知軍  
士被害縱容不舉甚者與不才軍官交  
結受其賄賂又有逾年勾軍違限官旗  
在外恣肆非為已

勅各處風憲督察撲拿至今不見獲解  
是致奸頑得志軍伍空缺兵政不脩莫  
此為甚茲特

勅諭爾等其前所縱容之罪姑記不問  
自今凡分巡所歷去處務要嚴加詢察  
遇有貪虐害軍及勾軍違限官員人等  
就便擒拿問解仍將解過犯人罪名類  
本具

奏如或仍前坐視縱惡長奸事發一體處  
以重罪不饒故諭

諭府部九卿勅

宣德九年三月初一

日

勅諭五府六部都察院大理寺

朕奉

天命嗣

祖宗大位以主宰天下夙夜弗遑惟

天與

祖宗之心允念不忘惟天下之兵民匹夫匹婦永懷

保之故選賢用才陞進官職寬徭減賦賑窮

恤荒省刑薄罰赦過宥罪皆出自朕心非由

於外也卿等其各端乃心慎乃守修乃職欽  
體朕心而篤行之毋比私以撓公毋負下以  
罔上毋賣恩以邀譽毋縱法以長奸必中必  
正庶幾協恭以副朕之委任

欽哉故諭

採辦勅

宣德九年七月初六

日

勅蘇州府知府况鍾比者令內官安兒吉祥採取  
促織今他所進促織數少又多有細小不堪  
的已勅他末後運自要一千箇勅至爾可用

心協同他幹辦不要誤了故勅

諭南畿撫按諸臣勘災勅

宣德九年八

月二十一日

皇帝勅諭巡撫侍郎周忱巡按監察御史及南直隸  
應天蘇松等衛府州縣朕撫恤兵民固惟安  
民夙夜在念孜孜不忘今聞歷夏不雨亢旱  
為災農畝雖種無多朕甚憫之勅至爾等同  
衛所府州縣官躬親詣畝踏勘如果係災  
傷即其實奏聞就令今年官田民田地秋糧  
及種子粒以十分為率俱免四分爾等宜十分



用心提督整理不可怠忽如僻遠之處爾等不能遍歷聽各委廉潔公正的當官員前去踏勘務在的實以恤民隱庶副朕心然今年各處奏災傷者其衛所府州縣官吏多有附上罔下誣熟為荒一槩陳奏以圖苟勉爾等宜深戒斯弊嚴督所屬必審驗真實毋為欺慢若仍蹈前非在後遣人復視不實爾等及府州縣衛所官吏里老旗甲人等俱取重罪不恕其慎之故諭

諭河南撫按諸臣勘災勅

宣德九年八

月二十一日

皇帝勅諭巡撫侍郎于謙及河南都司按察司巡按  
監察御史朕撫恤兵民惟圖民安夙夜在念  
孜孜不忘今聞歷夏不雨亢旱爲災農畝雖  
種無獲者多朕甚憫之勅至爾等同衛所府  
州縣官躬詣田畝踏勘如果係災傷即具實  
奏聞就將本年官民田地秋糧及屯種子粒  
以十分爲率俱免四分爾等宜十分用心提  
督整理不可怠忽如僻遠之處爾等不能遍  
歷聽各委廉潔官員前去踏勘務在的實以

恤民隱庶副朕心然近年各處奏災傷者其  
衛所府州縣官吏多有附下罔上誣熟爲荒  
一槩陳奏以圖免爾等其深戒欺弊嚴督所  
屬必審驗其真實毋爲欺謾若仍蹈前非在  
後再遣人覆視不實爾等及府州縣衛所官  
吏里老旗甲人等俱處以重罪不恕其慎之  
慎之故諭

停採辦勅

宣德九年九月二十

一日

皇帝勅諭南京直隸應天蘇松等府州縣水旱蝗蝻

災傷之處人民缺食好生艱辛但是工部所辦物料即皆停止待豐熟之時辦納其不係災傷之處所辦物料令陸續辦納不許逼迫差去催辦官員人等除催造修海船物料外其餘悉令回京不許遷延在外擾民違者論罪不恕爾等其體朕恤民之心欽哉故諭

南畿被災賑貸勅

宣德九年十月二十四日

皇帝勅諭巡撫侍郎周忱及巡按監察御史并南京江南直隸衛府州縣比聞直隸亢旱兵民饑窘良用惻然今將寬恤事件特勅頒示爾等

其欽承朕命毋怠故諭

一 被災傷之處人民乏食爾等即委官前去所在官倉量給米賑濟毋得坐視民患

一 被災府州縣今年該兌運起運臨清南京等倉糧米俱於本處存留備用原定南北二京光祿寺等衙門供應之數及折色布絹絲綿等項仍照原定起運了納

一 被災府州縣該兌運起運臨清等倉糧米俱於南京倉收

一 宣德十年備運糧儲每年於淮安徐州支運

一十五石赴京并通州中半上倉

一各府州縣逋移人戶其邇年拖欠并見徵糧  
草爾等即同府州縣堂上官從實取勘見數  
俱令停徵仍設法招撫其復業者蠲免糧差  
一年

一各府州縣有全家充軍并死絕人戶遺下田  
地爾等即同府州縣堂上官從實取勘見數  
召人佃種如係官田不分古額近額俱照民  
田例起科其邇年拖欠稅糧草束免徵

一各府州縣見收稅課及車船門攤地畝果木

等項一應鈔貫除徵額外但有鈔法增加之數以十分爲率俱免四分

一各處軍民有週年倒死馬騾驢牛羊該納皮張等項自宣德九年十月二十一日以前拖欠悉皆蠲免

寬恤勅 宣德九年十月二十四日

皇帝勅廣西都司布政司按察司及巡按監察御史勅至爾等即將所屬府州縣全家充軍并死絕人戶遺下田土從實取勘見數召人承佃如係官田不分古額俱照民田例起科其邇

年拖欠糧草免徵各府州縣見收稅課及車  
船門攤田畝果木等項一應鈔貫除正額外  
但爲鈔法增加之數以十分爲率俱免四分  
凡有逃移人戶其逐年拖欠并見徵糧草爾  
等即同府州縣堂上官從實取勘見數俱令  
停徵仍設法招撫其復業者蠲免糧草差發  
一年其軍民有逐年倒死馬騾驢牛羊該納  
皮張鬃尾筋角贓價鈔并長生該納羊自宣  
德六年十月二十一日以前拖欠者悉皆蠲  
免爾等其欽承命毋怠故諭



諭勲臣故役勅 宣德十年正月初一日

勅襄城伯李隆及工部凡採辦買辦及打造下西洋  
等處船木植一應物件并營造物料悉皆停  
罷軍夫匠役人等當放者悉皆放回其差去  
一應內外官員人等即便回京不許托故稽  
遲其沿河運來木植悉於所至去處堆架苦  
蓋畢日運夫放遣寧家官員回京違者重罪  
不恕故勅

諭畿輔停採辦製造勅 宣德十年正月初一日

勅南京巡按直隸監察御史及衛府州勅至凡採辦

買辦物件并打造海船木植物料等項營造物料悉皆停罷一應製造海味菓品食物等項及打捕禽獸虫魚花木等物悉皆停止如已製造捕在官者就令差去人員管領回京未完者悉皆停罷朝廷差內外官員人等即便回京不許托故稽遲違者治以重罪其起集營造軍夫即時放回故諭

遺詔

宣德十年正月初三日

奉

天承運

八卷之九  
四十一  
皇帝詔曰朕以非德獲嗣

祖宗大位兢兢夕惕懼弗克負荷蓋今十有一年矣  
而德澤未洽於天下心恒愧之比者遭疾且  
臻彌篤天死生常理修短定數惟不能光承  
列聖之洪業終奉

聖母皇太后之養中心念之雖沒弗寧長子皇太子  
祁顓天性純厚仁明剛正其嗣皇帝位在廷  
文武之臣協心輔佐務以安養軍民為本毋  
作聰明以亂舊章凡國家重務皆上白

皇太后皇若然後施行中外大小臣僚各敬乃職

忠事君母忝

禮 朝命喪制悉遵

皇考洪熙元年五月遣詔母改山陵一務儉約宗王親王藩屏任重謹守封國各處總兵及鎮守官整肅兵務嚴固封疆各都司布政司按察司并巡撫巡按官及衛所府州縣悉心盡力安撫軍民皆勿擅離職赴京進香悉令佐貳幕職或遣官代行兩廣四川雲南貴州七品以下衙門並免進香故茲詔諭咸使聞知

皇明詔令卷之九